

## II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-46145-16/23

02. novembra 2023. godine  
Sarajevo

Premijer  
**Nihad Uk**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi za Zaključkom Vlade Kantona Sarajevo, broj 02-04-51323-71/22 od 29.12.2022. godine, Vlada Kantona Sarajevo, na 33. sjednici održanoj 02.11.2023. godine, donijela je

## ODLUKU

## I

Daje se saglasnost Ministarstvu kulture i sporta Kantona Sarajevo da izvrši popunu upražnjenog radnog mjesta na neodređeno vrijeme putem javnog oglasa, i to:

- Stručni saradnik za kulturu, jedan (1) izvršilac.

## II

Za realizaciju ove odluke zadužuje se Ministarstvo kulture i sporta Kantona Sarajevo.

## III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-46145-17/23

02. novembra 2023. godine  
Sarajevo

Premijer  
**Nihad Uk**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 30. Zakona o zaštiti zraka ("Službene novine Federacije BiH", broj 33/03 i 4/10) i člana 41. Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo", broj 23/16), Vlada Kantona Sarajevo na 33. sjednici, održanoj 02.11.2023. godine, donijela je

## ODLUKU

O USVAJANJU PLANA INTERVENTNIH MJERA U  
SLUČAJEVIMA PREKOMJERNE ZAGAĐENOSTI  
ZRAKA U KANTONU SARAJEVO

## I

Usvaja se Plan interventnih mjera u slučajevima prekomjerne zagađenosti zraka u Kantonu Sarajevo, koji je sastavni dio ove odluke.

## II

Ova odluka stupa na snagu danom donošenja, a zajedno sa Planom iz tačke I ove odluke objavit će se u "Službenim novinama Kantona Sarajevo".

Broj 02-04-46145-31/23

02. novembra 2023. godine  
Sarajevo

Premijer  
**Nihad Uk**, s. r.

Na osnovu člana 30. Zakona o zaštiti zraka ("Službene novine Federacije BiH", broj 33/04 i 4/10) i člana 41. Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo", broj 23/16), Vlada

Kantona Sarajevo je, na 33. sjednici održanoj 02.11.2023. godine, donijela

## PLAN

INTERVENTNIH MJERA U SLUČAJEVIMA  
PREKOMJERNE ZAGAĐENOSTI ZRAKA U KANTONU  
SARAJEVO

## I - OPŠTE ODREDBE

1. Plan interventnih mjera u slučajevima prekomjerne zagađenosti zraka u Kantonu Sarajevo (u daljem tekstu: "Plan") se donosi za moguće posebne situacije u kojima su prekoračeni pragovi upozorenja i pragovi uzbune, čime mogu biti ugroženi zdravlje ljudi i okoliš.

2. Planom se utvrđuju vrste rizika i opasnosti, postupak i mjere za uklanjanje opasnosti, subjekti zaduženi za primjenu mjera, odgovornost i ovlaštenja u vezi sa primjenom Plana.

3. Područje Kantona Sarajevo u smislu provedbe Plana dijeli se na sljedeće zone:

- Zona A: područja općina: Stari Grad, Centar, Novi Grad, Novo Sarajevo i Ilidža ispod 700 m.n.v.
- Zona B: područje Općine Vogošća ispod 700 m.n.v.
- Zona C: područje Općine Ilijaš ispod 700 m.n.v.
- Zona D: područje Općine Hadžići ispod 700 m.n.v.
- Zona E: područja Kantona Sarajevo iznad 700 m.n.v.

uključujući cjelokupno područje Općine Trnovo

4. U ovom Planu su u upotrebi pojmovi sa sljedećim značenjima:

- **Zona** – znači dio teritorije Kantona Sarajevo koji zbog specifičnih geografskih uslova i izvora zagađenja predstavlja posebnu cjelinu u smislu kvaliteta zraka i primjene mjera.

- **Zagađujuća materija** - znači bilo koja materija koju čovjek direktno ili indirektno unosi kroz zrak i koja samostalno ili udružena sa drugim materijama može imati štetan uticaj na ljudsko zdravlje i/ili na okoliš u cjelini, uključujući i neprijatne mirise.

- **Izmjerena vrijednost** - u Planu se koriste izmjerene vrijednosti izražene u  $\mu\text{g}/\text{m}^3$ .

- **Granična vrijednost** - znači nivo određen na osnovu naučnog znanja s ciljem izbjegavanja, sprečavanja ili smanjivanja štetnih uticaja na ljudsko zdravlje i/ili okoliš u cjelini; ovaj nivo se mora dostići u određenom periodu i kasnije ne smije biti prekoračen.

- **Prag upozorenja** - znači nivo iznad koga postoji rizik po ljudsko zdravlje usljed kratkog izlaganja za izuzetno osjetljive dijelove stanovništva i o kome je potrebno dati najnovije informacije.

- **Prag uzbune** - znači nivo iznad kojeg postoji rizik po ljudsko zdravlje prilikom kratkog izlaganja i na kojem će biti preduzeti direktni koraci.

- **Epizoda** je vremenski ograničen period trajanja povišenih koncentracija zagađujućih materija u zraku u Kantonu Sarajevo ("epizoda" je usvojeni međunarodni termin za označavanje posebnih situacija).

- **Referentne stanice** su stanice za mjerenje kvaliteta zraka koje odražavaju stanje kvaliteta zraka u predhodno definiranim zonama A, B, C i D. U slučaju da u određenoj zoni ne postoji automatska stanica za mjerenje kvaliteta zraka, za tu zonu se koriste rezultati monitoringa iz zone A, do uspostave automatskog monitoringa.

- **Čvrsta goriva** su razne vrste čvrstih materijala koji se koriste kao gorivo za grijanje i proizvodnju toplote, najčešće

putem sagorijevanja (drvo, ugalj, drveni ugalj, treset, drveni pelet i sl.)

## II - VRSTE RIZIKA I OPASNOSTI

1. Koncentracija zagađujućih materija u zraku koja prelazi prag upozorenja ili prag uzbune, predstavlja potencijalnu opasnost za zdravlje ljudi, biljni i životinjski svijet i materijalna dobra, zbog čega može doći do posebnih situacija koje zahtijevaju mjere za njihovo prevazilaženje.

2. Povećanje koncentracije zagađujućih materija u zraku je stanje zagađenosti atmosfere sa jednom ili više zagađujućih materija u takvim količinama i karakteristikama, koje nakon dužeg ili kraćeg izlaganja djeluju štetno na zdravlje ljudi, biljni i životinjski svijet i na materijalna dobra.

3. Djelovanje prekomjernih koncentracija zagađujućih materija na organizam čovjeka može biti akutno i hronično. Akutno djelovanje podrazumijeva izlaganje organizma prekomjernim koncentracijama u kraćem vremenskom periodu, to jest "epizodama". Hronično djelovanje je izlaganje organizma manjim koncentracijama zagađujućih materija tokom dužeg vremenskog perioda.

4. Glavni izvori zagađivanja zraka su saobraćaj, industrija, sistemi za zagrijavanje objekata individualnog i kolektivnog stanovanja, poslovnih i proizvodnih prostora.

5. Glavne zagađujuće materije na koje sa odnosi ovaj Plan su: sumpor dioksid, azot dioksid i oksidi azota, lebdeće/suspendovane čestice (PM10) i ugljen monoksid.

a. **Sumpor dioksid** nastaje spaljivanjem goriva koji sadrže sumpor (ugalj, nafta, benzin, plin). Sumpor dioksid djeluje na disajne organe, moždani i probavni sistem.

b. **Azotni oksidi** nastaju sagorijevanjem goriva na visokim temperaturama (benzin, nafta, plin), te imaju nadražajno dejstvo na sluznicu disajnih organa i očiju. Uz ugljikovodike i ugljen monoksid mogu uzrokovati izrazito ozbiljne posljedice za život i zdravlje ljudi.

c. **Lebdeće/suspendovane čestice (PM)** manje od 10 µm nastaju nepotpunim sagorijevanjem goriva. Prodiru u dublje slojeve donjih disajnih puteva, dovode do nadraživanja sluznice disajnih organa i očiju, promjena na koži, krvnom sistemu i sl. Pogoršavaju postojeće kardiovaskularne i plućne bolesti. Uz ostale štetne faktore mogu biti uzročnici novih oboljenja navedenih sistema (povišenog krvnog pritiska i nepravilnog rada srca, moždanog i srčanog udara, akutne upale disajnih puteva i pluća, hronične opstruktivne bolesti pluća, astme, karcinoma).

d. **Ugljen monoksid** nastaje kao posljedica nepotpunog sagorijevanja fosilnih goriva. Može izazvati pospanost, dekoncentraciju, glavobolje, smetnje na mentalne sposobnosti čovjeka, oštećenje kardiovaskularnog sistema itd. Smanjuje zasićenost krvi kiseonikom i na taj način utiče na cijeli organizam.

## III - SUBJEKTI ZADUŽENI ZA PRIMJENU PLANA

### 1. Subjekti zaduženi za primjenu Plana su:

1.1. Vlada Kantona Sarajevo

1.2. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo,

1.3. Stručno tijelo za koordinaciju i nadzor (u daljem tekstu: Stručno tijelo),

1.4. Ministarstvo zdravstva Kantona Sarajevo,

1.5. Ministarstvo unutrašnjih poslova Kantona Sarajevo,

1.6. Ministarstvo saobraćaja Kantona Sarajevo,

1.7. Ministarstvo za odgoj i obrazovanje Kantona Sarajevo,

1.8. Ministarstvo za nauku, visoko obrazovanje i mlade Kantona Sarajevo,

1.9. Ministarstvo kulture i sporta Kantona Sarajevo,

1.10. Ministarstvo privrede Kantona Sarajevo,

1.11. Općine u Kantonu Sarajevo

1.12. Kantonalna uprava za inspeksijske poslove

1.13. Kantonalna uprava civilne zaštite

1.14. Služba za protokol i press Kantona Sarajevo

1.15. Javna ustanova Zavod za javno zdravstvo Kantona Sarajevo,

1.16. Kantonalno javno komunalno preduzeće Rad d.o.o. Sarajevo

1.17. Kantonalno javno komunalno preduzeće Park d.o.o. Sarajevo

1.18. Kantonalno javno komunalno preduzeće GRAS d.o.o. Sarajevo i Centrotans

1.19. Pravna i fizička lica, privredni subjekti i operatori emisije (postrojenja za sagorijevanje i tehnološka postrojenja), proizvođači toplotne energije, upravnici zajedničkih dijelova objekata kolektivnog stanovanja

### 2. Obaveze subjekata zaduženih za primjenu Plana

#### 2.1. Vlada Kantona Sarajevo

- Donosi Odluku o proglašenju/ukidanju epizode Uzbuna na prijedlog Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, u skladu sa članom 13. Poslovnika o radu Vlade Kantona Sarajevo ("Službene novine Kantona Sarajevo", broj 23/23),

- Obezbjeduje provođenje mjera, te koordinira subjekte zadužene za primjenu Plana u toku trajanja epizode Uzbuna,

- Po potrebi predlaže način obezbjeđenja sredstava za provođenje mjera u toku trajanja epizode Uzbuna,

- U okviru svoje nadležnosti preduzima i druge mjere koje mogu doprinijeti efikasnijem provođenju Plana.

#### 2.2. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo

- Imenuje Stručno tijelo i učestvuje u njegovom radu,

- Na prijedlog Stručnog tijela donosi Naredbu o proglašenju/ukidanju epizode Upozorenje,

- Daje prijedlog Vladi Kantona Sarajevo za proglašenje epizode Uzbuna,

- Obezbjeduje sredstva u Budžetu Kantona Sarajevo potrebna za provedenja mjera iz Plana koje se odnose na javna komunalna preduzeća na nivou Kantona Sarajevo koji se bave komunalnom čistoćom, a ovisno od potreba i za druge subjekte primjene Plana,

- Vršiti koordinaciju sa subjektima zaduženim za provođenje mjera iz Plana, uključujući i upravnike zajedničkih dijelova objekata kolektivnog stanovanja

- Na osnovu monitoringa provođenja mjera iz Plana priprema izvještaje i informacije za Vladu i Skupštinu Kantona Sarajevo,

- Obavještava subjekte nadležne za provedbu mjera iz Plana o proglašavanju/ukidanju epizoda zagađenosti zraka u Kantonu Sarajevo,

- Formira Listu operatora emisija (postrojenja za sagorijevanje i tehnološka postrojenja), koji su obveznici primjene mjera iz Plana,

- Predlaže i preduzima i druge mjere koje mogu doprinijeti efikasnijem provođenju Plana.

### **2.3. Stručno tijelo za koordinaciju i nadzor**

- Imenuje ga Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, a čine ga predstavnici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, Zavoda za javno zdravstvo Kantona Sarajevo, Federalnog hidrometeorološkog zavoda BiH i stručna lica iz oblasti zaštite zraka, kao i predstavnici Službe za protokol i press Kantona Sarajevo,

- Svakodnevno (uključujući vikende i praznike) prati stanje kvaliteta zraka, utvrđuje uslove za proglašenje epizoda,

- Priprema Izvještaj Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo za proglašenje/ukidanje epizoda sa prijedlozima mjera,

- Procjenjuje mogući scenarij trajanja epizoda povišenih koncentracija polutanata u zraku,

- Predlaže i druge mjere i aktivnosti za koje se procjeni da mogu imati pozitivan uticaj na stanje kvaliteta zraka u Kantona Sarajevo.

### **2.4. Ministarstvo zdravstva Kantona Sarajevo**

- U sklopu nadležnosti u toku trajanja epizoda iz Plana vrši intenzivnu koordinaciju sa zdravstvenim ustanovama radi praćenja negativnog uticaja zagađenog zraka na zdravlje stanovništva,

- Izdaje preporuke za uslove rada i zaštitu radnika na otvorenom u toku trajanja epizoda,

- Upućuje zahtjev nadležnim policijskim organima za zabranu okupljanja na otvorenom radi sprečavanja ugrožavanja zdravlja ljudi, u skladu sa Zakonom o javnom okupljanju Kantona Sarajevo,

- U sklopu svoje nadležnosti, daje preporuke vezane za održavanje nastave, radnog vremena itd.,

- Preduzima druge mjere iz nadležnosti Ministarstva.

### **2.5. Ministarstvo unutrašnjih poslova Kantona Sarajevo**

- Obezbeđuje sredstva u Budžetu Kantona Sarajevo potrebna za provođenje mjera iz Plana iz svoje nadležnosti,

- Obezbeđuje postupanje inspekcije zaštite od požara u skladu sa Odlukom o zaštiti i poboljšanju kvaliteta zraka u Kantonu Sarajevo i ovim Planom,

- Ostvaruje saradnju sa Kantonalnom upravom za inspeksijske poslove (cestovna i saobraćajna inspekcija), Ministarstvom saobraćaja Kantona Sarajevo, kao i sa drugim subjektima primjene Plana, te priprema protokol o načinu ostvarivanja saradnje u roku od 15 dana nakon usvajanja Plana, a kojeg dostavlja na uvid Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo radi praćenja implementacije Plana,

- Predlaže i preduzima i druge mjere koje mogu doprinijeti efikasnijem provođenju Plana.

### **2.6. Ministarstvo saobraćaja Kantona Sarajevo**

- Obezbeđuje sredstva u Budžetu Kantona Sarajevo potrebna za provedenja mjera iz Plana koje se odnose na Kantonalno javno komunalno preduzeće Gras i Centrottrans, a ovisno od potreba i za finansiranje drugih organizacija,

- Ostvaruje saradnju sa Kantonalnom upravom za inspeksijske poslove (cestovna i saobraćajna inspekcija), Ministarstvom unutrašnjih poslova Kantona Sarajevo i Ministarstvom komunalne privrede, infrastrukture, prostornog uređenja, građenja i zaštite okoliša Kantona Sarajevo,

- Izdaje dozvole potrebne za realizaciju mjera propisanih Planom iz segmenta saobraćaja,

- Predlaže i preduzima i druge mjere koje mogu doprinijeti efikasnijem provođenju Plana.

### **2.7. Ministarstvo za odgoj i obrazovanje Kantona Sarajevo**

- Odgovorno je za primjenu mjera iz Plana koje se odnose na organizovanje i odvijanje nastavnog procesa u ustanovama iz svoje nadležnosti.

### **2.8. Ministarstvo za nauku, visoko obrazovanje i mlade Kantona Sarajevo**

- Odgovorno je za primjenu mjera iz Plana koje se odnose na organizovanje i odvijanje nastavnog procesa u ustanovama iz svoje nadležnosti.

### **2.9. Ministarstvo kulture i sporta Kantona Sarajevo**

- Odgovorno je za primjenu mjera iz Plana koje se odnose na organizovanje kulturnih i sportskih događaja na otvorenom prostoru u toku trajanja epizoda.

### **2.10. Ministarstvo privrede Kantona Sarajevo**

- Prati provedbu Plana u poslovnim subjektima kojima je resorno,

- Predlaže i preduzima druge mjere, u okviru svoje nadležnosti, a koje mogu doprinijeti efikasnijem provođenju Plana.

### **2.11. Općine u Kantonu Sarajevo**

- Odgovorne su za zaštitu i poboljšanje kvaliteta zraka u skladu sa Zakonom o zaštiti zraka Federacije BiH i podzakonskim propisima iz oblasti zaštite zraka,

- Imenuju Operativni tim za primjenu Plana, koji će činiti načelnik i operativna lica, pripremaju protokol o načinu ostvarivanja saradnje sa drugim subjektima primjene Plana u roku od 15 dana nakon usvajanja Plana, a kojeg dostavljaju na uvid Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo radi praćenja implementacije Plana,

- Obezbeđuju sredstva u budžetu potrebna za funkcionisanje Operativnog tima, kao i za druge aktivnosti utvrđene ovim Planom koje provode putem općinskih komunalnih preduzeća,

- Prilikom ugovaranja zimskog održavanja saobraćajnica, općine koje ovu aktivnost obezbeđuju putem drugih pravnih lica (Iliđa, Hadžići, Vogošća i Ilijaš) dužne su predvidjeti i blagovremeno uklanjanje posipne frakcije sa tretiranih površina,

- U okviru svojih nadležnosti intenziviraju inspeksijski nadzor u slučajevima proglašenja epizoda iz Plana,

- Obavještavaju subjekte sa Liste operatora emisije na koja se odnosi Plan o proglašenju/ukidanju epizoda iz Plana, putem e-mail-a, telefona, ili na drugi način,

- Preduzimaju i druge mjere koje mogu doprinijeti smanjenju koncentracija zagađujućih materija na području općine, u okviru svoje nadležnosti.

### **2.12. Kantonalna uprava za inspeksijske poslove**

- Obezbeđuje sredstva u Budžetu Kantona Sarajevo potrebna za angažovanje dodatnih kadrova s ciljem efikasnog

vršenja nadzora nad subjektima odgovornim za provođenje mjera utvrđenih Planom,

- Vršiti nadzor nad provođenjem mjera iz Plana, kroz djelovanje inspekcije zaštite okoliša, saobraćajne i cestovne inspekcije uz asistiranje saobraćajne policije, urbanističko-građevinske, komunalne, inspekcije zaštite na radu i drugih inspekcija,

- Koordinira aktivnosti sa ostalim inspeksijskim službama na federalnom i općinskom nivou, te drugim službama i komunalnim redarima u cilju kontrole izvršavanja mjera iz Plana,

- Ostvaruje saradnju sa inspekcijom zaštite od požara u slučaju sumnje na korištenje energenata ili otpadnih materija koji nisu dozvoljeni važećim propisima, a u skladu sa odredbama Odluke o zaštiti i poboljšanju kvaliteta zraka u Kantona Sarajevo,

- Priprema protokol saradnje između inspekcija iz svoje nadležnosti, kao i o načinu ostvarivanja saradnje sa drugim subjektima primjene Plana u roku od 15 dana nakon usvajanja Plana, a kojeg dostavlja na uvid Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo radi praćenja implementacije Plana,

- Predlaže i preduzima i druge mjere koje mogu doprinijeti efikasnijem provođenju Plana.

#### **2.13. Kantonalna uprava civilne zaštite**

- Zaprima dojave građana o kršenju odredbi iz Plana, na telefonski broj 121 Kantonalnog operativnog centra civilne zaštite,

- Predlaže i preduzima i druge mjere koje mogu doprinijeti efikasnijem provođenju Plana.

#### **2.14. Služba za protokol i press Kantona Sarajevo**

- Obavještava sredstva javnog informisanja i građane o proglašavanju/ukidanju epizoda zagađenosti zraka u Kantona Sarajevo,

- Izdaje saopćenja koja se odnose na stanje kvaliteta zraka i primjenu Plana.

#### **2.15. Javna ustanova Zavod za javno zdravstvo Kantona Sarajevo**

- Učestvuje u radu Stručnog tijela za koordinaciju i nadzor u dijelu monitoringa kvaliteta zraka i izvještavanja o stanju kvaliteta zraka prema drugim članovima Stručnog tijela i Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo,

- Obavještava građane o izmjenjenim vrijednostima, uticaju na zdravlje i mjerama prevencije putem web stranice Zavoda i kantonalne web stranice kvalitetzraka.ba,

- Kontinuirano dostavlja izvještaje Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, daje informacije medijima o stanju kvaliteta zraka i preporukama za stanovništvo,

- Preduzima druge mjere koje mogu doprinijeti zaštiti zdravlja građana.

#### **2.16. Kantonalno javno komunalno preduzeće Rad d.o.o. Sarajevo**

- Preduzima mjere utvrđene Planom za koje sredstva obezbjeđuje Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo,

- Izrađuje Operativni plan pranja i čišćenja saobraćajnica, te primjene "mokrog postupka" koji se dostavlja Ministarstvu

komunalne privrede, infrastrukture, prostornog uređenja, građenja i zaštite okoliša Kantona Sarajevo na odobravanje i finansiranje predviđenih aktivnosti,

- Intenzivira vršenje redovnih poslova iz djelokruga rada preduzeća koji utiču na smanjenje zagađenosti zraka, uključujući i blagovremeno uklanjanje posipne frakcije korištene u sklopu zimskog održavanja saobraćajnica,

- Koordinira rad između komunalnih redara i Kantonalne uprave za inspeksijske poslove u cilju provedbe mjera iz Plana,

- Preduzima i druge mjere iz svoje nadležnosti koje mogu doprinijeti smanjenju koncentracija zagađujućih materija na području Kantona Sarajevo.

#### **2.17. Kantonalno javno komunalno preduzeće Park d.o.o. Sarajevo**

- Intenzivira aktivnosti preduzeća na čišćenju javnih površina u smislu Zakona o komunalnoj čistoći,

- Uključuje komunalne redare i ostvaruje saradnju sa Kantonalnom upravom za inspeksijske poslove u cilju provedbe mjera iz Plana,

- Preduzima i druge mjere koje mogu doprinijeti smanjenju koncentracija zagađujućih materija na području Kantona Sarajevo, u okviru svoje nadležnosti.

#### **2.18. Kantonalno javno komunalno preduzeće Gras d.o.o. Sarajevo i Centrotrans**

- Preduzimaju mjere utvrđene Planom za koje sredstva obezbjeđuje Ministarstvo saobraćaja Kantona Sarajevo,

- Preduzimaju i druge mjere iz svoje nadležnosti koje mogu doprinijeti smanjenju koncentracija zagađujućih materija na području Kantona Sarajevo

#### **2.19. Pravna i fizička lica, privredni subjekti i operatori emisije (postrojenja za sagorijevanje i tehnološka postrojenja), proizvođači toplotne energije, upravnici zajedničkih dijelova objekata kolektivnog stanovanja**

- Odgovorni su za zaštitu i poboljšanje kvaliteta zraka u skladu sa Zakonom o zaštiti zraka Federacije BiH, podzakonskim propisima iz oblasti zaštite zraka, te drugim propisima koji regulišu materiju u vezi sa ovim Planom

- Odgovorni su za primjenu Plana, kao i za preduzimanje svih potrebnih, tehnički izvodljivih mjera kako bi smanjili emisije u zrak, uključujući redovno održavanje kotlovskih postrojenja, čišćenje dimovodnih instalacija, održavanje filterskih postrojenja, te sve druge mjere u cilju obezbjeđenja ispravnog funkcionisanja pogona, postrojenja i procesa koji imaju emisije u zrak,

- Operatori emisije koji koriste čvrsta i tečna goriva (postrojenja za sagorijevanje i tehnološka postrojenja) dužni su dostaviti podatke (naziv, vrsta postrojenja, adresa, mail, telefon, općina, korišteno gorivo, alternativno gorivo, emisioni ispusti) Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo u cilju formiranja Liste operatora emisije, koja će se redovno ažurirati i bit će objavljena na web stranici Ministarstva.

#### **3. Zajedničke obaveze subjekata zaduženih za primjenu Plana**

- Svi subjekti zaduženi za primjenu Plana dužni su dostavljati Ministarstvu komunalne privrede, infrastrukture, prostornog uređenja, građenja i zaštite okoliša informaciju o poduzetim preventivnim i kontinuiranim mjerama, te mjerama tokom trajanja epizoda iz Plana,

- Organizovati primjenu mjera iz epizoda Plana i van radnog vremena, tokom vikenda i praznika,

- Imenovati osobu za kontinuirani prijem i prosljeđivanje obavještenja o proglašenju/ukidanju epizoda subjektima primjene Plana iz svoje nadležnosti, što podrazumijeva rad i tokom vikenda i praznika, te kontakt podatke dostaviti Ministarstvu komunalne privrede, infrastrukture, prostornog uređenja, građenja i zaštite okoliša odmah po imenovanju.

U cilju poboljšanja kvaliteta zraka prije početka grejne sezone, Planom se propisuju sljedeće preventivne mjere:

**Tabela 1. Preventivne mjere**

Rb.	Mjera/aktivnost	Nosilac mjere/aktivnosti	Praćenje provođenja mjere/aktivnosti
1.	Obavezno preduzimanje svih potrebnih, tehnički izvodivih mjera, kako bi se smanjile emisije u zrak, uključujući redovno održavanje kotlovskih postrojenja i korištenje goriva koji zadovoljavaju standarde goriva.	Operatori emisije (postrojenja za sagorijevanje i tehnološka postrojenja)	- Kantonalna uprava za inspeksijske poslove
2.	Obavezan pregled i čišćenje dimovodnih objekata i dostava zapisnika o izvršenju ove obaveze nadležnoj inspekciji, u skladu sa Odlukom o zaštiti i poboljšanju kvaliteta zraka u kantonu Sarajevo, najkasnije u roku od 15 dana od obavljenog pregleda.	Operatori postrojenja za sagorijevanje i upravnici zajedničkih dijelova objekata kolektivnog stanovanja	- Ministarstvo unutrašnjih poslova Kantona Sarajevo – Protivpožarna inspekcija
3.	Davati preporuke svim subjektima da, neposredno prije zimske sezone, organizuju akcije i informišu građane u pripremi vozila u smislu pregleda filtera, kočionih sistema, te provjere sistema za sagorijevanje i ispuštanje gasova.	- Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, - Služba za protokol i press Kantona Sarajevo	
4.	Vršiti kontrolu operatora emisija (postrojenja za sagorijevanje) u smislu skladištenja čvrstih goriva na zakonski propisani način	Kantonalna uprava za inspeksijske poslove – ekološka inspekcija	
5.	Vršiti kontrolu skladišta čvrstih goriva u smislu zaštite od atmosferskih uticaja radi obezbjeđenja kvaliteta goriva i smanjenja emisija	Kantonalna uprava za inspeksijske poslove – tržišna inspekcija	
6.	Provoditi kampanju obavještanja i edukacije s ciljem jačanja svijesti o uticaju na kvalitet zraka	- Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, - Služba za protokol i press Kantona Sarajevo	

**V - KONTINUIRANE MJERE ZA SPREČAVANJE ZAGAĐENJA U ZIMSKOJ SEZONI**

U cilju poboljšanja stanja kvaliteta zraka, Planom se propisuju kontinuirane mjere koje je potrebno provoditi u periodu od 15.10. tekuće do 15.04. naredne godine.

**Tabela 2. Kontinuirane mjere**

Rb.	Mjera/aktivnost	Nosilac mjere/aktivnosti	Praćenje provođenja mjere/aktivnosti
1.	Obavezno pranje i čišćenje saobraćajnica u cilju sprečavanja podizanja čvrstih čestica u zrak u skladu	Kantonalno javno komunalno preduzeće Rad d.o.o. Sarajevo i ostala komunalna preduzeća	- Ministarstvo komunalne privrede, infrastrukture,

	sa vremenskim uslovima.		prostornog uređenja, građenja i zaštite okoliša Kantona Sarajevo, Općine
2.	Upozoravati da je kažnjivo svako spaljivanje otpada u kućnim ložištima i kotlovnica	Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo	
3.	Upućivati apele stanovništvu da smanji broj vozila u saobraćaju korištenjem jednog vozila za više osoba	- Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, - Služba za protokol i press Kantona Sarajevo	
4.	Upozoravati građane koji koriste čvrste energente za zagrijavanje prostora da je kažnjivo odlaganje vrelog pepela u kontejnere za komunalni otpad	Kantonalno javno komunalno preduzeće Rad d.o.o. Sarajevo	Služba komunalnih redara
5.	Vršiti kontrolu poštivanja zabrane spaljivanja otpada u postrojenjima za sagorijevanje za koja nije izdato odobrenje u skladu sa važećim propisima	Kantonalna uprava za inspeksijske poslove – ekološka inspekcija	
6.	Provoditi kampanju obavještanja i edukacije s ciljem jačanja svijesti o uticaju na kvalitet zraka	- Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, - Služba za protokol i press Kantona Sarajevo	

**VI - POSTUPAK PROGLAŠENJA EPIZODA I MJERE ZA SMANJENJE PREKOMJERNE ZAGAĐENOSTI ZRAKA**

Epizode povećanih koncentracija zagađujućih materija u zraku Kantona Sarajevo su Upozorenje i Uzbuna.

Epizode se proglašavaju na osnovu izmjerenih ili proračunatih prosječnih vrijednosti koncentracija zagađujućih materija u zraku, konstatovanih na području Kantona Sarajevo, a u skladu sa pragovima upozorenja i pragovima uzbune datim u čl. 15. i 20. Pravilnika o načinu vršenja monitoringa kvaliteta zraka i definisanju vrsta zagađujućih materija, graničnih vrijednosti i drugih standarda kvaliteta zraka ("Službene novine Federacije BiH", broj 1/12, 50/19 i 3/21). Epizode se mogu proglasiti na području jedne ili više zona iz Poglavlja I, tačke 3. ovog Plana.

Mjere iz ovog Plana se ne provode na području Zone E: područja Kantona Sarajevo iznad 700 m.n.v. uključujući cjelokupno područje Općine Trnovo.

Prestanak primjene mjera po epizodama vrši se na isti način kao i kod njihovog proglašavanja.

**1. EPIZODA "UPOZORENJE"**

Epizodu "Upozorenje" proglašava/ukida Naredbom Ministarstvo komunalne privrede, infrastrukture, prostornog uređenja, građenja i zaštite okoliša, na osnovu Izvještaja Stručnog tijela, ako su ispunjeni sljedeći uslovi:

- na području Kantona Sarajevo se uspostavila stabilna vremenska situacija, koju karakteriše sporo kretanje visokog atmosferskog pritiska, slab vjetar i prizemna temperaturna inverzija u kotlinskim dijelovima Kantona Sarajevo,

- ako se u narednih 48 sati očekuje stabilna vremenska situacija, koja pogoduje daljnjem akumuliranju zagađujućih materija u zraku,

- ako izmjerene koncentracije jedne ili više zagađujućih materija u zraku na najmanje jednoj referentnoj stanici u Zoni, u skladu sa Poglavljem I, tačkom 3. ovog Plana, su jednake ili prelaze prag upozorenja (Tabela 3).

**Tabela 3. Pragovi Upozorenja**

Zagađujuća materija	Period usrednjavanja	Prag upozorenja (µg/m <sup>3</sup> )
SO <sub>2</sub>	1 h	400 (napomena 1)
NO <sub>2</sub>	1 h	250 (napomena 1)
PM <sub>10</sub>	24 h	90 (napomena 2)
CO	8h	12.000
CO	24h	7.500

Napomena 1: Vrijednosti moraju biti prekoračene najmanje tri uzastopna sata

Napomena 2: Vrijednosti moraju biti prekoračene kao 24-časovni prosjek za prethodni dan.

Stručno tijelo, po uspostavljanju uslova za proglašenje/ukidanje epizode "Upozorenje" u najkraćem mogućem roku dostavlja Izvještaj Ministarstvu komunalne

privrede, infrastrukture, prostornog uređenja, građenja i zaštite okoliša Kantona Sarajevo, u kojem su navedeni razlozi za proglašenje/ukidanje epizode i zone u kojima se proglašava/ukida epizoda.

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je dužno u najkraćem roku obavijestiti subjekte primjene Plana o proglašenju/ukidanju epizode, izuzev operatore emisije sa Liste (postrojenja za sagorijevanje i tehnološka postrojenja), koje obavještavaju općine na čijoj teritoriji djeluju.

U dane vikenda i praznika, epizoda "Upozorenje" se proglašava/ukida na osnovu izvještaja Stručnog tijela, uz usmenu saglasnost Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, a Naredba se potpisuje prvi naredni radni dan.

U slučaju proglašenja epizode "Upozorenje" obavezno se primjenjuju mjere i aktivnosti navedene u tabelama 4. i 5.

**Tabela 4. Mjere/aktivnosti i odgovornosti primjene u slučaju epizode UPOZORENJE u cilju smanjenja emisija**

Rb.	Mjera/aktivnost u cilju smanjenja emisija	Nosilac mjere/aktivnosti	Subjekti praćenja provođenja mjere/aktivnosti	Uslovi za provođenje mjere/aktivnosti
1.	Osigurati da sva postrojenja za proizvodnju toplotne energije snage preko 50 kW koja koriste čvrsta i tečna goriva smanje temperaturu u prostorijama koje zagrijavaju za minimalno 2°C.	- Proizvođač toplotne energije u smislu Uredbe o opštim uslovima za proizvodnju, isporuku i korištenje toplotne energije - Operatori postrojenja za sagorijevanje	Kantonalna uprava za inspeksijske poslove	
2.	Intenzivirati pranje i čišćenje cesta ukoliko vremenski uslovi dozvoljavaju, te u slučaju niskih temperatura primijeniti "mokr postupak" sa otopinom za obaranje koncentracije čestica u zrak na svim glavnim gradskim saobraćajnicama, regionalnim i magistralnim cestama, te na najmanje 40% najprometnijih lokalnih cesta.	Kantonalno javno komunalno preduzeće Rad d.o.o. Sarajevo	Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo	Osiguranje dovoljno finansijskih sredstava u budžetu
3.	Intenzivirati nadzor nad tehničkom ispravnosti vozila sa stanovišta sumnje na prekomjerno zagađivanje okoliša shodno Pravilniku o tehničkim pregledima vozila ("Službeni glasnik BiH", broj 33/19, 29/20 i 56/21)	Ministarstvo unutrašnjih poslova Kantona Sarajevo		Osiguranje dovoljno finansijskih sredstava u budžetu za slučajeve kada se na vanrednom tehničkom pregledu ne dokaže opravdanost sumnje na prekomjerno zagađenje zraka
4.	Zabraniti izvođenje građevinskih radova na otvorenom prostoru koji proizvode emisiju prašine u zrak	Pravna i fizička lica	Kantonalna i općinska urbanističko-građevinska inspekcija	
5.	Zabraniti saobraćaj za teretna motorna vozila čija je najveća dozvoljena masa preko 3,5 tone na glavnom gradskom longitudinalnom pravcu na potezu od Baščaršije do Nedžarića, sa preusmjerenjem saobraćaja na alternativne pravce kretanja. <b>Napomena:</b> Ovo se ne odnosi na vozila javnog gradskog prevoza, javnih komunalnih preduzeća, vozila hitnih intervencija i dostavna vozila za prehrambene proizvode.	- Pravna i fizička lica	- Ministarstvo saobraćaja Kantona Sarajevo, - Ministarstvo unutrašnjih poslova Kantona Sarajevo, - Kantonalna uprava za inspeksijske poslove (saobraćajna i cestovna inspekcija)	Tehnička regulacija saobraćaja za vrijeme zabrana vršit će se privremenom saobraćajnom signalizacijom ili opremom, znacima i naredbama koje daju ovlaštena policijska lica Ministarstvo unutrašnjih poslova Kantona Sarajevo.
6.	Zabraniti kretanja u zoni A automobila i teretnih vozila, čiji motori imaju normu EURO2 ili manju. <b>Napomena:</b> Ovo se ne odnosi na vozila policije, inspekcije, javnog gradskog prevoza, javnih komunalnih preduzeća, vozila pravnih lica koja za potrebe komunalnih preduzeća izvode radove na hitnim intervencijama, vozila invalidnih lica i vozila hitnih intervencija (civilne zaštite, hitne pomoći, vatrogasaca)	-Pravna i fizička lica	-Ministarstvo saobraćaja Kantona Sarajevo, -Ministarstvo unutrašnjih poslova Kantona Sarajevo, - Kantonalna uprava za inspeksijske poslove (saobraćajna i cestovna inspekcija)	
7.	Osigurati protok motornih vozila bez dužeg zadržavanja na glavnim gradskim saobraćajnicama	- Ministarstvo unutrašnjih poslova Kantona Sarajevo, - Ministarstvo saobraćaja Kantona Sarajevo		
8.	Izvršiti, u zavisnosti od mogućnosti, pomjeranje početka radnog vremena u cilju rasterećenja kapaciteta javnog gradskog prevoza i gradskih saobraćajnica	-Organi uprave, javne institucije i organizacije, poslovni i privredni subjekti		

**Tabela 5. Mjere/aktivnosti i odgovornosti primjene u slučaju epizode UPOZORENJE u cilju zaštite zdravlja stanovništva**

Rb.	Mjera/aktivnost u cilju zaštite zdravlja stanovništva	Nosilac mjere/aktivnosti	Subjekti praćenja provođenja mjere/aktivnosti	Uslovi za provođenje mjere/aktivnosti
1.	Zabraniti javna okupljanja u smislu Zakona o javnom okupljanju Kantona Sarajevo radi sprečavanja ugrožavanja zdravlja ljudi	Ministarstvo unutrašnjih poslova Kantona Sarajevo, na zahtjev Ministarstva zdravstva Kantona Sarajevo		
2.	Zabraniti sportske aktivnosti na otvorenom prostoru u smislu Zakona o sportu Kantona Sarajevo radi sprečavanja ugrožavanja ili pogoršanja zdravlja sportista	Pravna lica (organizacije u sportu)	Kantonalna uprava za inspeksijske poslove – inspekcija za sport	
3.	Zabraniti boravak djece na otvorenom prostoru van školske zgrade za vrijeme velikih i malih odmora, te odvijanje časova tjelesnog odgoja u dvorištu škola	Ustanove školskog i predškolskog odgoja i obrazovanja	Ministarstvo za odgoj i obrazovanje Kantona Sarajevo	
4.	Osigurati zaštitu radnika koji rade na otvorenom prostoru (poštari, policajci, komunalni radnici i dr.).	pravna lica	Kantonalna uprava za inspeksijske poslove - Inspekcija zaštite na radu	
5.	Upozoravati rizične grupe stanovništva na smanjenje kretanja i boravka na otvorenom	- Zavod za javno zdravstvo Kantona Sarajevo, - Služba za protokol i press Kantona Sarajevo		

**2. EPIZODA "Uzbuna"**

Epizodu "Uzbuna" proglašava/ukida Odlukom Vlada Kantona Sarajevo u skladu sa članom 13. Poslovnika o radu Vlade Kantona Sarajevo ("Službene novine Kantona Sarajevo", broj 23/23), na prijedlog Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo zasnovanom na izvještaju Stručnog tijela, ako su ispunjeni sljedeći uslovi:

- izmjerene koncentracije jedne ili više zagađujućih materija u zraku na najmanje jednoj referentnoj stanici u Zoni u skladu sa Poglavljem 1, tačkom 3. ovog Plana, su jednake ili prelaze prag uzbune (Tabela 6),

- ako se u narednih 48 sati očekuje stabilna vremenska situacija koja pogoduje daljnjem akumuliranju zagađujućih materija u zraku.

**Tabela 6. Pragovi uzbune**

Zagađujuća materija	Period usrednjavanja	Prag uzbune (µg/m <sup>3</sup> )
SO <sub>2</sub>	1 h	500 (napomena 1)
NO <sub>2</sub>	1 h	400 (napomena 1)
PM <sub>10</sub>	24 h	200 (napomena 2)
CO	8h	15.000
CO	24h	10.000

Napomena 1: Vrijednosti moraju biti prekoračene najmanje tri uzastopna sata.

Napomena 2: Vrijednosti moraju biti prekoračene kao 24-časovni prosjek za prethodni dan.

**Tabela 7. Mjere/aktivnosti i odgovornosti primjene u slučaju epizode UZBUNA u cilju smanjenja emisija**

Rb.	Mjera	Nosilac mjere/aktivnosti	Subjekti praćenja provođenja mjere/aktivnosti	Uslovi za provođenje mjere/aktivnosti
1.	Zabraniti kretanje u zoni A automobila i teretnih vozila čiji motori imaju normu EURO3 i manju. <b>Napomena:</b> Ovo se ne odnosi na vozila policije, inspekcije, ministarstva odbrane, javnog gradskog prevoza, javnih komunalnih preduzeća, vozila pravnih lica koja za potrebe komunalnih preduzeća izvode radove na hitnim intervencijama, vozila sa diplomatskim tablicama, vozila invalidnih lica, taxi vozila i vozila hitnih intervencija (civilne zaštite, hitne pomoći, vatrogasaca).	- Pravna i fizička lica	- Ministarstvo saobraćaja Kantona Sarajevo, - Ministarstvo unutrašnjih poslova Kantona Sarajevo, - Kantonalna uprava za inspeksijske poslove (saobraćajna i cestovna inspekcija)	Osiguranje dovoljno finansijskih sredstava u budžetu
2.	Privremeno zaustaviti sve tehnološke procese koji rezultiraju emisijama prašine u zrak gdje je to tehnički izvodivo, odnosno ako tehnološki procesi omogućavaju zaustavljanje. U slučaju da zbog karakteristika tehnološkog procesa nije moguće njihovo potpuno zaustavljanje, iste je potrebno svesti na tehnički minimum.	Operatori emisija iz tehnoloških procesa	- Kantonalna uprava za inspeksijske poslove - okolišna inspekcija	

Stručno tijelo, po uspostavljanju uslova za proglašenje/ukidanje epizode "Uzbuna" u najkraćem mogućem roku dostavlja Izvještaj Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, koje isti dostavlja Vladi Kantona Sarajevo na odlučivanje.

U Izvještaju su navedeni razlozi za proglašenje/ukidanje epizode i zone u kojima se proglašava/ukida epizoda.

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je dužno, odmah nakon odlučivanja Vlade, o proglašenju/ukidanju epizode "Uzbuna" obavijestiti subjekte primjene Plana, izuzev operatore emisije sa Liste (postrojenja za sagorijevanje i tehnološka postrojenja), koje obavještavaju općine na čijoj teritoriji djeluju.

U slučaju da preduzete mjere zabrane i ograničenja u roku od narednih 48 sati ne obezbijede smanjenje koncentracija zagađujućih materija u zraku na osnovu kojih je proglašena uzbuna, odnosno trend koncentracije zagađujućih materija u zraku je i dalje u porastu, tada Vlada Kantona Sarajevo može preduzeti i dodatne mjere smanjenja emisija.

U slučaju proglašenja epizode "Uzbuna" obavezno se, uz mjere i aktivnosti iz tabela 4. i 5. primjenjuju i mjere i aktivnosti navedene u tabeli 7.

3.	Maksimalno povećati kapacitete sredstava javnog gradskog prevoza koji ne zagađuju okoliš	Kantonalno javno preduzeće GRAS d.o.o. Centrotans d.o.o.	Ministarstvo saobraćaja Kantona Sarajevo	
4.	Obezbijediti besplatan javni prevoz ili subvencioniranje vozničkih karti	Ministarstvo saobraćaja Kantona Sarajevo		Osiguranje dovoljno finansijskih sredstava u budžetu
5.	Organizovati online rad od kuće, zavisno od mogućnosti, s ciljem rasterećenja kapaciteta javnog prevoza i gradskih saobraćajnica	Pravna lica		

### 3. INFORMISANJE JAVNOSTI

Služba za protokol i press Kantona Sarajevo, kao subjekat provođenja Plana, dužna je da putem web stranice, sredstava javnog informisanja i drugih raspoloživih mogućnosti u slučaju proglašenja epizoda:

- izdaje saopćenja za sredstva javnog informisanja i građane, koja se odnose na stanje kvaliteta zraka i primjenu Plana,

- daje informacije koje razmatra Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i Vlada Kantona Sarajevo vezane za primjenu Plana.

Javna ustanova Zavod za javno zdravstvo Kantona Sarajevo, u cilju zaštite zdravlja ljudi, je dužna da:

- izdaje preporuke za stanovništvo u slučajevima prekomjerne zagađenosti zraka u Kantonu Sarajevo,
- obavještava građane o izmjerenim vrijednostima i uticaju na zdravlje putem svoje web stranice i web stranice kvalitetzraka.ba.

Operativni telefoni za prijave u vezi sa provođenjem ovog Plana su: Eko-telefon broj 033/66 00 00 ili telefon Kantonalnog operativnog centra civilne zaštite broj 121.

### VII - NADZOR

Nadzor nad provođenjem mjera utvrđenih u ovom Planu vrše Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i ostala resorna ministarstva Kantona Sarajevo, Kantonalna uprava za inspeksijske poslove (urbanističko-građevinska, ekološka, saobraćajna, cestovna, komunalna, inspekcija zaštite na radu, tržišna inspekcija i inspekcija za sport), inspekcija zaštite od požara, općinske urbanističko-građevinske i komunalne inspekcije. Nadzor vrše i komunalni redari u okviru djelatnosti koje se odnose na provođenje mjera prevencije i ograničenja emisije u saradnji sa Kantonalnom upravom za inspeksijske poslove.

Izvještaj o provedenom inspeksijskom nadzoru se dostavlja Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo jednom mjesečno u periodu 15.10. – 15.04., a najkasnije do 7-og dana u mjesecu za prethodni mjesec.

### VIII - KAZNENE ODREDBE

Pravna i fizička lica koja se ne budu pridržavala mjera propisanih ovim Planom, podliježu sankcijama, kako je to utvrđeno odredbama važeće Odluke o zaštiti i poboljšanju kvaliteta zraka u Kantonu Sarajevo.

### IX - TROŠKOVI

Troškove ovog Plana snose subjekti zaduženi za njegovo provođenje, osim ako Planom nije drukčije utvrđeno.

### X - PRELAZNE I ZAVRŠNE ODREDBE

Stupanjem na snagu ovog Plana prestaje da važi Plan interventnih mjera u slučajevima prekomjerne zagađenosti

zraka u Kantonu Sarajevo ("Službene novine Kantona Sarajevo", broj 52/21).

Ovaj Plan stupa na snagu danom donošenja i objaviće se u "Službenim novinama Kantona Sarajevo".

Broj 02-04-46145-31.1/23

02. novembra 2023. godine

Sarajevo

Premijer  
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 20. Zakona o koncesijama ("Službene novine Kantona Sarajevo", broj 27/11, 15/13 i 1/22), a u skladu sa članom 38. stav (2) Ugovora o koncesiji za eksploataciju mineralne sirovine dolomita (kao tehničko - građevinskog kamena) u ležištu "Duboki do", općina Ilidža, broj 02-14-51322/22 od 27.12.2022. godine, zaključenog između Kantona Sarajevo - Vlade Kantona Sarajevo kao koncesora i privrednog društva "BH 4" d.o.o. Jajce kao koncesionara Vlada Kantona Sarajevo, na 34. sjednici održanoj 09.11.2023. godine, donijela je

### ODLUKU

#### O DAVANJU SAGLASNOSTI ZA ZAKLJUČIVANJE ANEKSA 1 UGOVORA O KONCESIJI ZA EKSPLOATACIJU MINERALNE SIROVINE DOLOMITA (KAO TEHNIČKO - GRAĐEVINSKOG KAMENA) U LEŽIŠTU "DUBOKI DO", OPĆINA ILIDŽA, BROJ 02-14-51322/22 OD 27.12.2022. GODINE

#### I

Daje se saglasnost za zaključivanje Aneksa 1 Ugovora o koncesiji za eksploataciju mineralne sirovine dolomita (kao tehničko - građevinskog kamena) u ležištu "Duboki do", općina Ilidža, broj 02-14-51322/22 od 27.12.2022. godine.

#### II

Ovlašćuje se Ministar privrede Kantona Sarajevo da potpiše Aneks 1 Ugovora o koncesiji iz tačke I ove odluke.

#### III

Zadužuje se Ministarstvo privrede Kantona Sarajevo da realizuje sve potrebne aktivnosti u vezi sa potpisivanjem Aneksa 1 Ugovora o koncesiji iz tačke I ove odluke.

#### IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-46933-33/23

02. novembra 2023. godine

Sarajevo

Premijer  
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 6. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21 i 13/22), Vlada Kantona